



“I te cherdì con to ennom” dij le Signur.

La ploania d’La Pli tol sò con ligreza te sòa comunité **Lia Ritsch** (Longega) y ti fej les miús aodanzas ai geniturs Janpaul y Patrizia: che Lia pói cresce tla fede, vire tla speranza y sperimenté l’amur de Chelbeldio y dla jont.



“I te cherdì con to ennom” dij le Signur.

La ploania d’La Pli tol sò con ligreza te sòa comunité **Iaco Pitscheider** (La Pli) y ti fej les miús aodanzas ai geniturs Fabian y Natalia: Idio, la Oma dal Ci y le Sant Patron acompagneii Osc Iaco con sòa benedisciun y proteziun.

○ **Funziun dal Bato:** le proscimo iade gnarál bacé en **domegna ai 02 d’agost.**



Enformaziuns y termins

Comun de Mareo: Al ven lascé alessi che an pó jí tai ofizi de Comun ma sòn apuntamont. Atló i numeri de telefonn dai ofizi desvalis: Secretariat - Verena Ellecosta 0474 503752; Secretariat/Personal - Alexandra Craffonara 503753; Secretariat - Rita Maneschg 503749, Contabilité - Roberto Castlunger 503756; Ofize Cultes - Margareth Rubatscher 503760; Ofize Tecnich - Eduard Winkler 503757; Ofize Lizonzes - Silke Irsara 503758; Ofize Protocol - Alma Rindler 503750; Polizist de Comun - Hugo Sottrovisch 503754. Les e-mails y i numeri de telefonn dai ofizi ciafeise ince sòn www.comun.mareo.bz.it.

Cassa Raiffeisen: la Cassa lascia alessi che con jügn án endó daorí les portines, olache al é da tigní ete les precauziuns: entrada entanc al iade, mascherot endos y se dejinfeté les mans da jí ete. Les portines é davertes dales 7:50 ales 12:45 por i sorvisc y paiamonc, domisdé dales 14:30 ales 16:30 pón ma ete sòn apuntamont.

Gesù accoglie i peccatori e mangia con loro.

È quello che accade a noi, in ogni Messa, in ogni chiesa: Gesù è contento di accoglierci alla sua mensa, dove offre sé stesso per noi. #Corpus Domini

Papa Francesco, 11.06.2020

Döt le bun a: Sr. Rosalia-Aloisia Daverda, *Mestre* * 15.06.1927
Regina Trebo Hochgruber, *Bornech* * 17.06.1934
Vigile Maneschg, *Salaronz* * 17.06.1945
Maria Kehr, *Ciadura* * 19.06.1945
y a düc chi co á santennom y complesc i agn cöst’edema

Impressum: Ploania d’La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Le pan co fej cumunité

📖 Deut 8, 2–3.14b–16a | 1 Cor 10, 16–17 | Jan 6, 51–58

Dal Vangelo do San Jan:

Te chel tomp ti á Gejú dit ala meja: ⁵¹Iu sun le pan vi co é gnü jö dal ci. Sce önn mangia de cösc pan viarál por dagnora. Le pan che iu dará é mia cern, i la dá ca por la vita dal monn. ⁵²Danló se stritâ i iüdes y dijea: Co sciáfíel pa da nes dé sòa cern da mangé? ⁵³Gejú ti á dit: Amen, amen, i ves diji: Sc’i ne mangeis nia la cern dal Fi dal Om y ne boeis nia so sanch, ne n’eise nia la vita te os. ⁵⁴Chel co mangia mia cern y ber mio sanch, á la vita eterna, y iu le ressuscitará l’ultimo de. ⁵⁵Deache mia cern é veramonter na speisa, y mio sanch é veramonter na boanda. ⁵⁶Chel co mangia mia cern y ber mio sanch, chel romagn te me y iu romagni te el. ⁵⁷Desche le Pere co vir m’á mené me y desche iu viri tres le Pere, ensciö sarál vignönn, co mangiará me, co viará tres me. ⁵⁸Cösc é le pan co é gnü jö dal ci. Con cösc n’éra nia, desco con le pan che i peri á mangé y é empó morc. Chel endere co mangia de cösc pan, viará por dagnora.

Oraziun dal de

Periun! Signur Gejú Crist, te cösc sacramont prezius dal alté nes aste lascé endó le recort de tóa pasciun y ressozeziun: dassé la grazia de veneré i misters de to corp y de to sanch aladô ch’i podunse tó pert ai früc dla redenziun. Tö che t’es Dio y vires y regneies con Dio Pere, t’l’unité dal Spirit Sant, por düc i secui dai secui. – Amen

(Lezionar A)



📖 *Letöres dla Gran festa dal Cör de Gejú:*
Deut 7, 6–11 | 1 Jan 4, 7–16 | Mt 11, 25–30

Edema liturgica dai 14.06. ai 21.06.2020

DOM 14.	GRAN FESTA D'LES ANTLÈS - CORPUS DOMINI <i>Fortunat</i>
08:30	gran messa de reingraziamont dl'Eucaristia por dōta la ploania, ōnn n vangelo y benedisciun eucaristica (<i>sce le tomp l'empormet</i>) s.m. d'aniversar por † signor Merch Graffonara, ploan s.m. por la fam. Robert y Petra Willeit y por † Anton Kostner
14:00	funziun dal Bato de Lia Ritsch
<i>10:00</i>	<i>s.m. a Al Plan</i>
Lön 15.	<i>Vitus, Germana, Lothar, Gebhard</i>
<i>18:00</i>	<i>s.m. a Al Plan</i>
Ded 16.	<i>Benno, Iustina</i>
07:30	s.m. de reingraziamont por la fin dal ann de scora s.m. por les Püres Armes s.m. por † Jep Rovara, Plans
Dem 17.	<i>Rainer, Adolf</i>
Jöb 18.	<i>Felize, Simplicius</i>
19:30	s.m. por †† Eduard y Paola Maneschg, Col Marchet s.m. por les families Erardi s.m. en onú de Santa Maria dal Bun Consei por les families Ritsch
Ven 19.	Sacher Cör de Gejú <i>Romuald, Elisabeth, Iuliana</i>
<i>07:30</i>	<i>s.m. a Al Plan</i>
Sab 20.	memoria dal Cör zonza macia de Maria <i>Adalbert, Margareta</i>
07:30	s.m. por † Carlo Ploner, Corterei s.m. por les families Ellemunter dal Pinter s.m. en onú de Santa Maria por Valentina Obojes, San Ciascian
10:30	funziun dal Bato de Iaco Pitscheider
<i>18:00</i>	<i>s.m. prefestia a Al Plan</i>
DOM 21.	GRAN FESTA DAL CÖR DE GEJÚ <i>Alvije (Lovije) da Gonzaga</i>
08:30	gran messa en onú dal Cör de Gejú por dōta la ploania, ōnn n vangelo y benedisciun eucaristica (<i>sce le tomp l'empormet</i>)
<i>10:00</i>	<i>s.m. a Al Plan</i>
<i>ampola:</i>	por les fam. Winkler, Rara
<i>ministronc:</i>	→ dedolönesc y sabeda: Noemi y Valentina → jöbia y domegna: Manuel y Rafael
<i>i recordun:</i>	Sr. Christina (Maria) Erlacher OT, Lana † 14.06.2010 Signor Merch Graffonara † 14.06.2013



Mangé por vire (Jan 6, 51–58)

I ponsi do

*Tal pan y tal vin
dl'Eucaristia é Gejú
spesent: le Fi de Dio y
nosc fre. Nia ma desco
en simbol o na
recordanza, mo al é na
presenza via y atuala.
Mangé de cōsc pan ô dí
se nodrí de sōa vita.
Al ne basta nia ma da
"jí ala Comegnun", mo i
messun vire por Gejú ch'i
ciafun tl'Eucaristia.
Sc'i jun gonot y con
sinzierité a cialé cōsc
sacramont, se fejel gní
esco el, tal amur por
Chelbeldio y por la jont.*

I preii ensciö

Signur, por che viri pa? Cōsc mo damani canch'i ciari a mio dagní y mo ponsi ci ch'i fajará y deschi sará. I mo ponsi gonot da orei gní na porsona der conesciüda, rica y da valei deplü co i atri. Mi modei a chi che iu ô ti jí do someia ma püch a te. Tō ôs ch'i viri por te, mo iu á tema da mo enjömé spo ia val', da messei renunzié a mia vita y tó dezijiuns co ne mo plej nia. Mo empó n'él nia plü de gran co tō. Al n'é degün dagní zonza to aiüt, degüna grandeza zonza tōa presenza. I ô vire por te, Signur porchel ôi "mangé" de te vigne iade ch'i vegni dan to alté. I mangiará to Amur por orei bun desco tō, i mangiará tōa Parora por baié desco tō y i mangiará tōa Vita por vire desco tō. I te diji iolan porciodi che cōsc n'é nia en som o na ilujiun, mo al é na tōa scincunda, via y concreta: to Corp y to Sanch che te mo das tal pan rot jö y tal caresc. Na scincunda co dōra por dagnora.

Walter Cazzaniga, Parola amica – Il Vangelo della domenica per ragazzi



Gejú, tō pan de mia vita



Gejú, tō Pan de mia vita:
pascionteia mia fan
y mio encorsciomun do te.

Gejú, tō Pan de mia vita:
pasciontelemo con tōes
parores, co é spirit y vita.

Gejú, tō Pan de mia vita:
sieste la manna te mio desert,
co mo dá forza y mo mostra le tru.

Gejú, tō Pan de mia vita:
damo döt, ci ch'i adori encö por vire.

Gejú, tō Pan de mia vita:
fá fora de me na somonza de to amur
co cresc y porta früt por les porsones.

Ute Weiner